

<b>Adroddiad i'r</b>	Cabinet
<b>Dyddiad y cyfarfod</b>	19 Mawrth 2024
<b>Aelod / Swyddog Arweiniol</b>	Elen Heaton, Aelod Arweiniol Iechyd a Gofal Cymdeithasol / Ann Lloyd, Pennaeth Gofal Cymdeithasol i Oedolion a Digartrefedd
<b>Awdur yr adroddiad</b>	Katie Newe, Rheolwr Gwasanaeth Gofal a Chymorth / Liz Thomas, Pennaeth Cyllid ac Archwilio
<b>Teitl</b>	Pennu Ffioedd Cartrefi Gofal Preswyl a Nyrsio 2024/25

### 1. Am beth mae'r adroddiad yn sôn?

- 1.1. Mae'r adroddiad yn ymwneud â phennu Ffioedd Cartrefi Gofal Preswyl a Nyrsio ar gyfer y flwyddyn ariannol 2024/25.
- 1.2. Nid yw'r adroddiad yn cynnwys lleoliadau cartrefi preswyl a nyrsio arbenigol ar gyfer dinasyddion sydd ag anghenion cymhleth a phroblemau iechyd meddwl.

### 2. Beth yw'r rheswm dros lunio'r adroddiad hwn?

- 2.1. I ddarparu'r wybodaeth ddiweddaraf ynglŷn â'r ymgysylltiad â darparwyr cartrefi preswyl a nyrsio ar gyfer pobl hŷn mewn perthynas â ffioedd cartrefi gofal ar gyfer blwyddyn ariannol 2024/25.
- 2.2. I geisio cymeradwyaeth y Cabinet ar gyfer pennu ffioedd cartrefi gofal ar gyfer blwyddyn ariannol 2024/25.

### 3. Beth yw'r Argymhelliad?

- 3.1. Bod y Cabinet yn cymeradwyo pennu llinell sylfaen ar gyfer ffioedd cartrefi gofal ar gyfer y flwyddyn ariannol 2024/25 yn unol â Thabl 1 ym mharagraff 4.5 yr adroddiad hwn, sy'n cynrychioli cynnydd o 8.8%.

## 4. Manylion yr adroddiad

4.1. O fis Rhagfyr 2023 ymlaen, comisiynodd Cyngor Sir Ddinbych 364 o leoliadau mewn 82 o gartrefi i ddarparu gofal a chymorth ar gyfer pobl hŷn mewn lleoliadau Preswyl, Preswyl ar gyfer yr Henoed Bregus eu Meddwl, Nyrsio, a Nyrsio ar gyfer yr Henoed Bregus eu Meddwl. Rhagwelir y bydd hyn yn costio £13 miliwn yn y flwyddyn ariannol hon, o gyfanswm o £39 miliwn a warir ar becynnau gofal ledled y gwasanaeth Gofal Cymdeithasol i Oedolion yn gyfan. Mae cyfran fawr o'r rhain yn cael eu hariannu'n llwyr neu eu hariannu'n rhannol gan Gyngor Sir Ddinbych; fodd bynnag, mae'n werth nodi efallai bod rhai lleoliadau hefyd yn cael eu hariannu ar y cyd â Bwrdd Iechyd Prifysgol Betsi Cadwaladr, gan gynnwys Gofal Nyrsio a Ariennir.

4.2. Cytunodd y Grŵp Arweinyddiaeth Rhanbarthol (is-grŵp ffurfiol o'r Bwrdd Partneriaeth Rhanbarthol) yn 2023 y byddai'r Grŵp Ffioedd Rhanbarthol ('y Grŵp Ffioedd') yn gweithio tuag at ddull gweithredu cyson a thryloyw, gyda'r bwriad o'i weithredu'n llawn yn 2024/25. Cytunwyd ar dri phrif amcan yn rhan o'r cytundeb hwnnw:

- sefydlu Grŵp Ffioedd Gofal fel pwyllgor sefydlog, gyda CSDd yn aelod;
- cytuno ar y materion blaenoriaethol sy'n effeithio ar gost gofal ar hyn o bryd;
- datblygu'r broses o gasglu tystiolaeth, argymhell dulliau o gynyddu a chadarnhau cost canolrifol gofal, yn seiliedig ar ddiwygiadau i fethodoleg bresennol gogledd Cymru.

Mae'r Grŵp Ffioedd yn dal i weithio ar y ddau bwynt olaf cyn gweithredu methodoleg ranbarthol newydd yn llawn i lywio'r cynnydd mewn ffioedd yn y dyfodol ledled y rhanbarth. Mae Sir Ddinbych yn ymroddedig i weithio gyda'r Grŵp Ffioedd, ac wedi ymgysylltu'n llawn mewn cyfarfodydd gyda'r Grŵp.

4.3. Yn ystod mis Hydref 2023, cynhaliodd swyddogion CSDd ymarfer ymgysylltu a chyfarfuwyd â sampl o ddarparwyr. Gweler prif themâu'r cyfarfodydd hynny yn Atodiad 1.

4.4. Ystyriwyd nifer o ddewisiadau ar gyfer cynyddu ffioedd, ynghyd ag adborth darparwyr. Gweler y dewisiadau yn Atodiad 2. Yr oedd hyn yn amrywio o wneud dim, a gadael ffioedd gofal ar yr un lefel ag y cytunwyd ar gyfer 2023/24, hyd at

gynnydd o 8.8%, a fyddai'n galluogi darparwyr i dalu Cyflog Byw Gwirioneddol i'w staff gofal.

4.5. Ar gyfer ffioedd 2024/25, mae'r dull a ddefnyddir yn adlewyrchu methodoleg ranbarthol y flwyddyn flaenorol gan mwyaf, ac mae'n cynnwys ystyriaethau fel Mynegai Prisiau Defnyddwyr a'r Cyflog Byw Gwirioneddol. Amlinellir y dewis a ffefrir yn nhabl 1, isod.

**Tabl 1**

	<b>23/24</b>	<b>24/25</b>	<b>Cynnydd Wythnosol</b>	
Preswyl Safonol	£711.83	£774.47	£62.64	8.80%
Preswyl – Henoed Bregus eu Meddwl	£743.18	£808.58	£65.40	8.80%
Nyrsio Safonol*	£782.91	£851.81	£68.90	8.80%
Nyrsio – Henoed Bregus eu Meddwl*	£845.63	£920.05	£74.42	8.80%

\* Yn cynnwys cyfraniad Gofal Nyrsio a Ariennir gan yr ALI – swm 2023/24 yw £8.37 y pen yr wythnos

4.6. Anfonwyd cynnig y ffioedd (Tabl 1) i ddarparwyr ddechrau mis Rhagfyr 2023, ac fe'u gwahoddwyd i ymgysylltu mewn ymarfer llyfr agored rhwng 15 Ionawr a 30 Ionawr 2024.

4.7. Ers i ni ysgrifennu at ddarparwyr ym mis Rhagfyr, mae naw darparwr (yn cynrychioli un cartref ar ddeg) wedi cysylltu drwy e-bost neu lythyr. O'r rhain, mae tri wedi cyfarfod â ni i drafod ffioedd ymhellach. Ni chafwyd unrhyw gysylltiad gan fwyafrif y darparwyr, ond mae'r cynnig am ymarfer llyfr agored yn dal i fod, a gallwn ddechrau trafodaethau gyda darparwyr ar unrhyw bryd.

4.8. Drwy'r cyfarfodydd hyn ni fu'n bosibl dod i gasgliad ynglŷn â rhesymoldeb costau darparwyr unigol o ganlyniad i ymgysylltiad cyfyngedig y darparwyr yr ydym yn eu comisiynu, a fyddai'n rhoi darlun ehangach i ni. Yr ydym yn dal yn optimistaidd y bydd y Grŵp Ffioedd Rhanbarthol yn mynd i'r afael â'r mater hwn ar gyfer y blynyddoedd i ddod wrth iddo barhau i ddatblygu methodoleg pennu ffioedd sy'n darparu dull gweithredu rhanbarthol cyson a thryloyw.

## **5. Sut mae'r penderfyniad yn cyfrannu at Gynllun Corfforaethol 2022 i 2027: Y Sir Ddinbych a Garem?**

5.1. Mae'r penderfyniadau ynglŷn â ffioedd cartrefi preswyl a nyrsio'n cyfrannu at themâu canlynol y Cynllun Corfforaethol:

### **5.1.1. Sir Ddinbych ffyniannus**

Telir ffioedd Cartrefi Gofal i ddarparwyr unigol yn y sector preifat a'r trydydd sector, ac felly maent yn cefnogi twf yr economi gymdeithasol leol ac yn darparu swyddi lleol.

### **5.1.2. Cyngor sy'n cael ei gynnal yn dda, ac sy'n uchel ei berfformiad**

Caiff lefelau ffioedd eu llywio a'u pennu yn dilyn ymgysylltiad â darparwyr, ac mae hynny'n meithrin diwylliant sy'n croesawu her briodol a theg. Mae'r broses o bennu ffioedd yn sicrhau bod gwerth am arian yn rhan greiddiol o ddiwylliant y sefydliad a bod penderfyniadau'n cael eu gwneud yn gytbwys drwy ystyried ansawdd gwasanaeth a gwerth cymdeithasol.

5.2. Mae gan y penderfyniad hwn / yr wybodaeth hon gyfraniad niwtral at darged y Cyngor i ddod yn sefydliad Ecolegol Gadarnhaol a Di-garbon Net erbyn 2030.

## **6. Faint fydd hyn yn ei gostio a sut y bydd yn effeithio ar wasanaethau eraill?**

6.1. Amlinellir costau'r gwahanol ddewisiadau yn Atodiad 2. Mae'r cynnydd ariannol o 8.8% a argymhellir yn costio £1.023 miliwn ac mae o fewn y ddarpariaeth gyllidebol a wnaed eisoes ar gyfer 2024/25.

## **7. Beth yw prif gasgliadau'r Asesiad o Effaith ar Les?**

7.1. Amherthnasol

## **8. Pa ymgynghoriadau sydd wedi'u cynnal gyda Chraffu ac eraill?**

8.1. Manylir ar yr ymgynghoriad â darparwyr yn adrannau 4.3 a 4.7.

8.2. Ymgynghorwyd â thimau Gwaith Cymdeithasol Sir Ddinbych yn ystod y broses hon ac maent wedi cadarnhau bod lleoliadau'n cael eu hadolygu'n rheolaidd yn unol â Deddf Gwasanaethau Cymdeithasol a Llesiant (Cymru). Rhoddir ystyriaeth i ddewis a rheolaeth, argaeledd a phris.

- 8.3. Mae Cyfarfod Briffio'r Cabinet a'r Tîm Gweithredol Corfforaethol wedi bod yn derbyn yr wybodaeth ddiweddaraf ynglŷn â phennu ffioedd yn rheolaidd.
- 8.4. Gofynnwyd am farn cydweithwyr cyllid drwy gydol y broses o bennu ffioedd.
- 8.5. Cyflwynwyd adroddiad ar wahân i Bwyllgor Craffu Cymunedau ym mis Medi 2023 yn nodi'r ymgysylltiad â Fforwm Gofal Cymru, sy'n cynrychioli rhai darparwyr gofal yn Sir Ddinbych.

## **9. Datganiad y Prif Swyddog Cyllid**

- 9.1. Mae'r cynnydd amcangyfrifedig yng nghost y ffi a argymhellir wedi ei gynnwys yn y pwysau cyllidebol cyffredinol ar gyfer Gofal Cymdeithasol i Oedolion a Digartrefedd ar gyfer 2024/25; fodd bynnag, gall y ffigwr hwn newid gan fod y dewis i ymgysylltu yn yr ymarfer llyfr agored yn dal i fod ar gael i ddarparwyr.

## **10. Pa risgiau sydd ac a oes unrhyw beth y gallwn ei wneud i'w lleihau?**

- 10.1. O ganlyniad i gyflenwad cyfyngedig o gartrefi gofal fforddiadwy, mae'n gyfyng arnom o ran sicrhau gwell gwerth am arian yn y sector.
- 10.2. Gallai dim digon o leoliadau gofal arwain at gynnydd mewn achosion o oedi llwybrau gofal o ysbytai, a byddai hynny'n effeithio ar ddinasyddion a gwaith partneriaeth. Byddwn yn parhau i weithio gyda chydweithwyr BIPBC i sicrhau nad oes gor-ragnodi gofal ac i hwyluso ymyriadau ataliol pan fo'n bosibl.
- 10.3. Mae yna risg o ostyngiad yng nghapasiti Cartrefi Preswyl a Nyrsio Sir Ddinbych os yw darparwyr yn tynnu'n ôl neu'n penderfynu peidio â buddsoddi yn y farchnad ofal leol. Yn y tymor hirach byddem yn gobeithio y gallwn liniaru hyn gyda datblygiad parhaus agenda ailgydbwysu gofal cymdeithasol yn Sir Ddinbych.
- 10.4. Mae yna risg y bydd rhai darparwyr yn dewis cynnig lleoliadau gwely dim ond i unigolion sy'n ariannu eu gofal eu hunain neu Awdurdodau Lleol sy'n talu mwy.

## **11. Pŵer i wneud y penderfyniad**

- Nodir pwerau'r Cabinet mewn perthynas â'r mater hwn yn y canlynol:
- Adran 21 Deddf Llywodraeth Leol 2000

- Tabl 4 Adran 13 o Gyfansoddiad y Cyngor  
Adran 114 b Deddf Gwasanaethau Cymdeithasol a Llesiant (Cymru) 2014